

1945

2

2

12. jan.

Lög þessi öðlast þegar gildi.

3. gr.

Gjört í Reykjavík, 12. janúar 1945.

Sveinn Björnsson.

(L. S.)

Emil Jónsson.

3

12. jan.

L Ö G

um kirkju- og manntalsbækur (sálnaregistor).

FORSETI ÍSLANDS

gjörir kunnugt: Alþingi hefur fallið á lög þessi og ég staðfest þau með samþykki mínu:

1. gr.

Í hverju prestakalli skal sóknarprestur færa kirkjubók (ministerialbók) og manntalsbók (sálnaregistor) fyrir allt prestakallið, og varðveitir prestur þær. Auk þess skulu sóknarnefndarformenn í hverri sókn færa slíkar bækur, að því er til sóknarinnar tekur, og geyma þeirra. Heimilt er sóknarnefnd að fela öðrum, er hún telur sérstaklega vel til þess hæfan, að rita bækurnar. Bækur þessar skal rita greinilega og án nokkurrar undanfellingar. Skytt er sóknarpresti að láta sóknarnefndarformanni eða kirkjubókarritari í té alla nauðsynlega vitneskju við færslu framangreindra bóka. Þeir skulu bera bækurnar vandlega saman að minnsta kosti einu sinni á ári, í janúarmánuði ár hvert, en aldrei mega þær vera eina nótt undir sama þaki báðar. Ákvæði þessarar greinar um manntalsbækur taka þó ekki til þeirra kaupstaða, þar sem öðrum en prestum er með lögum falið að skrá manntal.

2. gr.

Kirkjustjórnin skal hlutast til um, að ávallt sé kostur á hentugum kirkju- og manntalsbókum úr vönduðum pappír og í því formi, er tíðkæpt hefur eða hún ákveður síðar. Bækurnar séu gegnþræddar, innsiglaðar og löggiltar af biskupi. Hlutaðeigandi prófastur skal hafa eftirlit með því á yfirreiðum sínum, að þær séu vel og samvirkusamlega færðar, og annast um, að misfellum í því efni verði kippt í lag. Andvirði kirkju- og manntalsbóka greiðist úr ríkissjóði.

3. gr.

Kirkjubækur sóknarpresta skulu sendar þjóðskjalasafninu til varðveizlu, áður en 50 ár eru liðin frá löggildingu þeirra, og má aldrei halda þeim lengur en 15 ár, frá því að þær eru fullritaðar.

Kirkju- og manntalsbækur sókna skulu afhentar hlutaðeigandi héraðs- eða kaupstaðarbókasafni til eignar og geymslu, þegar þær eru fullskrifaðar. Nú er ekki til héraðsbókasafn, og skal þá afhenda bækurnar hlutaðeigandi prófasti, sem kemur þeim í örugga geymslu innan héraðs.

Forstöðumanni héraðs- eða kaupstaðarbókasafns er heimilt að gefa fæðingarvottorð og önnur vottorð samkvæmt kirkjubókum safnsins þeim, er þess óska, og gegn sama gjaldi og greitt er til þjóðskjalasafnsins fyrir slík vottorð.

4. gr.

3

Brot gegn lögum þessum varða sektum til rikissjóðs frá 50—1000 kr., nema þyngri refsing liggji við samkvæmt öðrum lögum, og skulu mál út af brotum sæta meðferð opinberra mála. 12. jan.

5. gr.

Ráðherra getur sett með reglugerð nánari fyriræmi um framkvæmd laga þessara.

6. gr.

Lög þessi öðlast þegar gildi, og skulu kirkju- og manntalsbækur færðar samkvæmt þeim frá 1. janúar 1945.

Gjört í Reykjavík, 12. janúar 1945.

Sveinn Björnsson.

(L. S.)

Emil Jónsson.

L Ö G

4

um heimild fyrir ríkisstjórnina til að selja nokkrar opinberar jarðir. 12. jan.

FORSETI ÍSLANDS

gjörir kunnugt: Alþingi hefur fallizt á lög þessi og ég staðfest þau með samþykki mínu:

1. gr.

Ríkisstjórninni er heimilt að selja eftirtaldar jarðir:

1. Kirkjujörðina Laxárdal í Skógarstrandarhreppi í Snæfellsnessýslu ábúandanum, Jól Gíslasyni.
2. Kirkjujörðina Ymjaberg (Emmuberg) í sama hreppi ábúandanum, Jónasi Guðjónssyni.
3. Kirkjujörðina Prestsbakkakot á Síðu í Vestur-Skaftafellssýslu ábúandanum, Jóni Steingrímssyni.
4. Eyðijörðina Gröf í Staðarsveit í Snæfellsnessýslu Gísla Þórðarsyni, oddvita á Ölkeldu.
5. Kirkjujörðina Eystri-Skóga í Austur-Eyjafjallahreppi í Rangárvallasýslu ábúandanum, Guðmundi Vigfússyni.
6. Eyðijörðina Steinboga í Hjaltastaðahreppi notanda hennar, Geirmundi Eiríkssyni, bónda á Hólí.
7. Eyðijörðina Engjalæk í Hjaltastaðahreppi notanda hennar, Halldóri Guðmundssyni, bónda á Klúku.

Jarðir þær, sem um getur í tölul. 1, 2, 3, 5 og 6, skulu seldar með því skilyrði, að þær verði jafnframt gerðar að ættaróðali samkv. l. nr. 116 1943, um ættaróðal og erfðaábúð.

Eyðijörðin Gröf í Staðarsveit selst með því skilyrði, að hún verði sameinuð jörðinni Ölkeldu í sömu sveit eða hluta af henni, ef jörðinni verður skipt.

Eyðijörðin Engjalækur í Hjaltastaðahreppi selst með því skilyrði, að hún sameinist Klúku eða öðrum helmingi hennar, þegar henni verður skipt í tvær jarðir.